



Broj: 02-11-2225/25-AP-8
Datum: 24.11.2025. godine

Na osnovu člana 25. i 70. Zakona o javnim nabavkama („Službeni glasnik BiH“, broj: 39/14, 59/22 i 50/24), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovića“, broj: 1/22 i 6/23), člana 12. Privremene statutarne Odluke Grada Zavidovići („Službeni glasnik općine Zavidovići“, broj: 4 /22), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Zimsko održavanje lokalnih cesta na području grada Zavidovići za sezonu 2025/2026. godina“ - LOT 2, Gradonačelnica Zavidovića, donosi

ODLUKU

Član 1.

Prihvata se preporuka Komisije za javne nabavke, te se Ponuda ponuđača „BN TRANSPORT“ d.o.o. ZAVIDOVIĆI za javnu nabavku radova „Zimsko održavanje lokalnih cesta na području grada Zavidovići za sezonu 2025/2026. godina“ - LOT 2, sa ukupnom cijenom od 47.508,20 KM (slovima: četrdesetsedamhiljadpetstotinaosam i 20/100 KM) bez uračunatog PDV-a, odnosno 55.584,59 KM (slovima: pedesetpethiljadpetstotinaosamdesetčetiri i 59/100 KM) sa uračunatim PDV-om, prihvata kao NAJPOVOLJNIJA PONUDA.

Član 2.

Izabrani ponuđač uz ponudu je dostavio dokumentacije propisanu tenderskom dokumentacijom (u ovjerenoj kopiji).

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

O b r a z l o ž e n j e

Odlukom Gradonačelnice broj 02-11-2225/24-AP-2 od 24.10.2025. godine pokrenut je postupak dodjele ugovora za javnu nabavku radova „Zimsko održavanje lokalnih cesta na području grada Zavidovići za sezonu 2025/2026. godina“ - LOT 2: "Zimsko održavanje lokalnih cesta na području sliva rijeke Krivaja za sezonu 2025/2026 godinu" obuhvata sljedeće putne pravce: Vikovići-Mustajbašići-Brašljevine, Krivaja-Smailbašići-Fazlići, Vozuća-Sljivići-

Crnjevo, Hodžića Polje-Sljivići i Krivaja-Laz-Pašin Konak, u ukupnoj dužini 30,26 kilometara, (JRJN 45233141-9 - Radovi na održavanju cesta), procijenjena vrijednost (bez PDV-a) iznosi : 47.965,13 KM.

Postupak se proveo putem otvorenog postupka za koji je dana, 24.10.2025.godine upućeno Obavještenje broj 1374-1-3-237-3-184/25 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 14.11.2025. godine do 12,00 sati dostavljeno je 6 (šest) ponuda, i to ponude sljedećih ponuđača po prijemu prispjeća:

1. GP „HELDOVAC“ d.o.o. ŽEPČE
2. „BN TRANSPORT“ d.o.o. ZAVIDOVIĆI
3. „IKAN“ d.o.o. ZAVIDOVIĆI
4. JKP „RADNIK“ d.o.o. ZAVIDOVIĆI
5. GTPD „POROBIĆ“ d.o.o. ZAVIDOVIĆI
6. „MGV GRADNJA“ d.o.o. ZAVIDOVIĆI

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije.

Nakon utvrđivanja sadržaja svih podnesenih ponuda, Komisija je utvrdila da su sve ponude blagovremene, formalno ispravne i tehnički zadovoljavajuće, jer sadrže sve priloge tražene kao u sadržaju navedenom u tenderskoj dokumentaciji predmetne javne nabavke za LOT 2.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača, te ocijenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije dana, 20.11.2025. godine, Komisija za javnu nabavku Grada Zavidovića dostavila je Dopunu zapisnika o pregledu i ocjeni ponuda nakon E-aukcije za LOT 2, broj: 02-11-2225/25-AP-4 (LOT 2) od 24.11.2025. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
1.	„BN TRANSPORT“ d.o.o. ZAVIDOVIĆI	47.508,20 KM
2.	„POROBIĆ“ d.o.o. ZAVIDOVIĆI	47.889,80 KM
3.	GP „HELDOVAC“ d.o.o. ŽEPČE	47.960,89 KM
4.	„IKAN“ d.o.o. ZAVIDOVIĆI	47.962,10 KM
5.	JKP „RADNIK“ d.o.o. ZAVIDOVIĆI	47.962,10 KM
6.	„MGV GRADNJA“ d.o.o. ZAVIDOVIĆI	47.965,12 KM

Ponuda ponuđača „BN TRANSPORT“ d.o.o. ZAVIDOVIĆI u postupku javne nabavke radova „Zimsko održavanje lokalnih cesta na području grada Zavidovići za sezonu 2025/2026. godina“ - LOT 2 - "Zimsko održavanje lokalnih cesta na području sliva rijeke Krivaja za sezonu 2025/2026 godin" a koji obuhvata sljedeće putne pravce: Vikovići-Mustajbašići-Brašljevine, Krivaja-Smailbašići-Fazlići, Vozuća-Sljivići-Crnjevo, Hodžića Polje-Sljivići i Krivaja-Laz-Pašin Konak u ukupnoj dužini 30,26 kilometara, sa ukupnom cijenom od 47.508,20 KM (slovima: četrdesetsedamhiljadapetstotinaosam i 20/100 KM) bez uračunatog PDV-a, odnosno 55.584,59 KM (slovima: pedesetpethiljadapetstotinaosamdesetčetiri i 59/100 KM) sa uračunatim PDV-om, je ponuda sa najnižom cijenom, te se kao takva prihvata kao najpovoljnija, prema kriteriju za dodjelu ugovora utvrđen kao „najniža cijena“.

Cijeneći pravilnost provedenog postupka dodjele ugovora o javnoj nabavci radova „Zimsko održavanje lokalnih cesta na području grada Zavidovići za sezonu 2025/2026. godina“ - LOT 2, te datu preporuku od strane Komisije za javne nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:


1. Učesnicima u postupku

2. U spis.

Akt pripremila: 
(Sanela Mulahasanović)

Akt pregledao: 
(Midhat Bajramović)

Akt pregledao: 
(Nermin Čahtarević)



GRADONAČELNICA

mr. iur. Erna Merdić Smailhodžić 